

LEMBAGA URUS AIR SELANGOR
(UNIT KORPORAT)

AKHBAR : SINAR HARIAN
TARIKH : 18 MEI 2016

KERATAN AKHBAR

Rabu 18 Mei 2016 • Sinar Harian 35

LEMBAH KLANG



Dua LRA baharu dibina
Kerajaan negeri peruntuk RM700 juta untuk tingkatkan rizab air Selangor

SYAIRI SHAARI

DENGKIL - Dua loji baharu iaitu Loji Rawatan Air (LRA) Semenyih 2 dan LRA Labohan Dagang mampu menyelesaikan krisis air dan meningkatkan rizab air di Selangor.

Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib berkata, kerajaan negeri membelanjakan RM700 juta menerusi bajet 2016 membina dua loji rawatan baharu itu yang terletak di Hulu Langat dan Kuala Langat.

Menurutnya, usaha dan pelaburan itu adalah inisiatif daripada kerajaan negeri sendiri bagi memastikan bekalan air bersih untuk rakyat terus terjamin.

"Kami tahu permintaan air sangat tinggi di Selangor dan dengan adanya loji rawatan air baru ini, ia dapat menampung dan meningkatkan rizab air terawat di negeri ini."

"Kami sentiasa bersedia dengan perancangan terutamanya apabila cuaca panas dan berhadapan krisis bekalan air," katanya pada lawatan kerja ke LRA Semenyih di Jenderam Hilir, di sini, kelmarin.

Zaidy berkata, bagaimanapun beliau berharap dua LRA baru itu akan meningkatkan bekalan air seterusnya mengelak krisis air yang mungkin berlaku tanpa mengharapkan Langat 2 sebelum siap sepenuhnya.

Hadir sama pada lawatan berkenaan Adun Bangi, Shafie Ngah dan Ketua Pengarah Urusan Pengurusan Air Selangor Berhad, Suhaimi Kamaralzaman.

Pada lawatan sehari itu, Zaidy meninjau dua tapak projek baharu membina LRA Semenyih 2 di Jenderam Hilir dan LRA Labohan Dagang di Banting.

Zaidy turut meninjau LRA Sungai Labu, selain melihat keadaan kolam takungan, operasi projek dan mendengar taklimat daripada kakitangan loji berkenaan.

Mengulas lanjut LRA Semenyih 2 yang dijangka siap pada Disember 2017, Zaidy berkata, LRA Semenyih 2 akan dibina bersebelahan dengan LRA Semenyih yang sedia ada di Jenderam Hilir.

Beliau berkata, tender telah pun dianugerahkan kepada sebuah syarikat dan mereka akan mulai masuk tapak memulakan pembinaan projek pada bulan ini (Mei).

Jelasnya, loji itu akan membekalkan 100 juta liter air terawat sehari kepada penduduk di Hulu Langat dan Semenyih serta projek dilatih berjalan dengan baik.

"Saya yakin kawasan (Hulu Langat) akan menerima jumlah air terawat mencukupi dan mampu menyelesaikan kekurangan bekalan air khususnya dalam keadaan tertentu."

"Alhamdulillah bekalan air masih mencukupi di kawasan ini tetapi dengan adanya LRA baru ini akan meningkatkan lagi rizab air di sini," katanya.

Bekal 400 juta liter air sehari

Zaidy berkata, LRA Labohan Dagang dijangka siap pada Jun 2018 dan tender kini dalam peringkat pengiklanan.

Katanya, tender LRA Labohan Dagang dalam proses awal tender dan loji ini akan membekalkan 400 juta liter air sehari kepada penduduk sekitar Kuala Langat.

"Tender ini melalui beberapa pakej iaitu A, B, C dan D dan pakej ini akan selesai proses tendernya dalam tempoh beberapa bulan akan datang."

"Kos keseluruhan projek di Labohan Dagang ini adalah RM500 juta berbanding RM200 juta di LRA Semenyih 2. Kos ini termasuk pembinaan loji, perpaipan dan lain-lain," katanya.

Zaidy yang juga Adun Templer berkata, beliau akan memantau perkembangan ini secara dekat dan turun dari semasa ke semasa serta akan memastikan semuanya mengikut jadual.

"Saya dan kerajaan negeri akan memberi komitmen sepenuhnya dalam kedua-dua projek ini bagi menjaga kepentingan rakyat," katanya.

Dapatkan fakta sahih

Zaidy turut mengingatkan pihak lain supaya mendapatkan maklumat dan fakta sahih sebelum memberi kritikan dan komen berhubung isu air di negeri ini.

Beliau mengalukan-alukan cadangan, kritikan dan komentar yang baik dan bernas tetapi mereka perlukan mendapatkan fakta sebenar.

"Kritikan dan komen perlulah dari fakta yang betul dan mereka akan dilihat lebih profesional."

"Kami tidak mahu ada pihak yang menuduh seperti projek Horas tidak berfungsi dan seolah-olah terbelang, walhal bukan sedemikian," katanya.

Menurutnya, sebagai contoh terdapatnya kritikan Adun BN berhadapnya tetapi mereka boleh merujuknya dalam dewan dan juga di jawatankuasa pilihan khas air sekiranya ada persoalan.

Beliau berkata sebagai Exco yang memegang portfolio air, dia menerima secara terbuka setiap komen dan kritikan tetapi perlulah seiring dengan fakta yang betul.

"Dalam keadaan biasa pun, saya akan menjawab setiap persoalan dan kita tidak mahu ada tuduh menuduh seperti mendakwa projek Langat 2 tidak siap dan sebagainya," katanya.



Zaidy (dua, kanan) melihat peta projek berhubung cadangan projek LRA Labohan Dagang dijangka siap pada Jun 2018.



Shafie (kiri) dan Zaidy (tengah) mendengar penerangan operasi LRA Semenyih selepas taklimat lawatan.

UNIT KORPORAT

TINGKAT 13, BANGUNAN DARUL EHSAN,
NO.3, JALAN INDAH, SEKSYEN 14, 40000 SHAH ALAM
TELEFON:03-55111800 / FAX:03-55101800